



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Služba za finansije, privredu, komunalne i inspeksijske poslove

Broj:04-23-4-2955/25

Datum: 21.08.2025. god.

Služba za finansije, privredu, komunalne i inspeksijske poslove općine Tešanj rješavajući po zahtjevu Udruženja "Bosanskog pozorišta Tešanj" na osnovu člana 62. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10,1/12), člana 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj: 11/17) i člana 200. Zakona o upravnom postupku ("Sl. novine FBiH", broj:2/98, 48/99), donosi

RJEŠENJE

1.ODOBRAVA SE privremeno zatvaranje ulice "Titova" i "Trg Gazi Ferhat bega" u Tešnju za dan 24.8.2025. godine (nedjelja) u periodu od 17,00 do 22,00 sata, a radi održavanja događaja "Mi smo djeca Tešnja koji je sastavni dio manifestacije "Ljeto u Tešnju".

2.JP "RAD" Tešanj će u vrijeme privremene obustave saobraćaja u tačno naznačeno vrijeme izvršiti spuštanje i podizanje pokretnih rampi u ulici "Titova" i "Trg Gazi Ferhat bega".

3. Policijska uprava Tešanj će dodatno pratiti stanje sigurnosti saobraćaja na tom dijelu općine, poduzimaće mjere sigurnog odvijanja saobraćaja i usmjeravati vozila na korištenje alternativnih pravaca.

Obrazloženje

U cilju održavanja događaja "Mi smo djeca Tešnja", iskazala se potreba za zatvaranjem ulice "Titova" i "Trg Gazi Ferhad bega" u Tešnju za dan 24.08.2025. godine u periodu od 17,00 do 22,00 sata.

Služba je u postupku rješavanja zahtjeva ustanovila da ne postoje smetnje za normalno odvijanje saobraćaja u periodu održavanja događaja, odnosno saobraćaj će se u navedenom periodu odvijati ostalim alternativnim saobraćajnicama.

Imajući u vidu naprijed navedeno, u skladu s članom 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj:11/17) riješeno je kao u dispozitivu rješenja.

Na ovo Rješenje naplaćena je administrativna taksa u iznosu od 50,00 KM u skladu sa tarifnim brojem 2. tačka 30. Tarife općinskih administrativnih taksa ("Službeni glasnik Općine Tešanj", broj:1/14).

Pouka o pravnom lijeku

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

Dostavljeno:

1. Udruženje Bosansko pozorište Tešanj,
2. Policijska stanica Tešanj
3. JP "RAD" Tešanj,
4. a/a

POMOĆNIK OPĆINSKOG NAČELNIKA

Amel Karahmet, dipl.oec